



Nunaminertanut pilersaarusrusiorlunilu suliassanut Qeqqata Kommuniata akigititaanut malittarisassaatut siunnersuut

Inatsisartut inatsisaat nr. 34, 9. december 2015 aamma Inatsisartut inatsisaat nr. 66, 20. november 2023-meersumit malinneqartumik allannguutitalerlugu Pilersaarusrusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersumi § 53, imm. 1 aamma § 54, imm. 1- 2 malitsigisaanik aalajangersarneqarpoq.

Kapitali 1

Atuuffeqarfia

§ 1. Akigititaanut malittarisassaq una kommunip pilersaarusrusiorfigineqarnera naapertorlugu nunaminertanut pilersaarusrusiornermullu suliassanut atatillugu inniminniineq, tunniussisarneq aamma akuersissutit pillugit Qeqqata Kommuniata qinnuteqaatinik oqartussatut suliaqarneranut sullissinermut ukiumoortumik akitsummik aalajangersakkamik imaqarpoq.

Imm. 2. Malittarisassami matumani akigititaat ukiumut naleqqussarneqartarput Qeqqata Kommuniatalu nittartagaatigut saqqummiunneqarlutik.

Imm. 3. Sullissineq akuersaannginnermik, akuersissuteqarnermik itigartitsinermilluunniit inerneqaraluarpal, qinnuteqarnermi akitsuut qinnuteqartumit ingerlaannartumik akilerneqassaaq.

Kapitali 2

Nunaminertanik inniminniinernut akitsuut

§ 2. Nunaminertanik inniminniineq pillugu qinnuteqarnermut ukiumoortumik akitsuut 500 koruuninut aalajangersarneqarpoq.

Kapitali 3

Nunaminertanik atugassiinernut akitsuut

§ 3. Nunaminertanik atugassinneqarnissaq pillugu qinnuteqaatinut ukiumoortumik akigititaat illunut atortulersuutinullu qajannaarsukkanut tunngatillugu sulianut tunngassuteqarpoq aammalu tullinnguuttunut immikkoortiterisarneq malillugu alajangersarneqartartut:

Imm. 2. 249 kvm minnerusumik sanaartorfilerlugu nutaamik sanaatornissamut atortulersuutinullu 1.000 koruunit

Imm. 3. 250-499 kvm akornanni sanaartorfilerlugu nutaamik sanaartukkanut atortulersuutinullu 1.500 koruunit

Imm. 4. 500-999 kvm akornanni sanaartorfilerlugu nutaamik sanaartukkanut atortulersuutinullu 5.000 koruunit

Imm. 5. 1000 kvm sinnerlugu anginerusunut sanaartorfilerlugu nutaamik sanaartukkanut atortulersuutinullu 8.000 koruunit

Imm. 6. 49 kvm ataallugu allannguutilerlugu illunik atortulersuutinillu allanngortiterinermut ilassusiinermullu 500 koruunit aammalu sanaartornermut malittarisassat atuuttut naapertorlugit sanaartornissamut akuersissuteqarnissamik piumasaqaatitaqartoq.

Imm. 7. 50-99 kvm akornanni allannguutilerlugu illunik atortulersuutinillu allanngortiterinermut ilassusiinermullu 800 koruunit, sanaartornermut malittarisassat atuuttut naapertorlugit sanaartornissamut akuersissuteqarnissamik piumasaqaatitaqartoq.

Imm. 8. 100 kvm sinnerlugu allannguutilerlugu illunik atortulersuutinillu allanngortiterinermut ilassusiinermullu 1.200 koruunit, sanaartornermut malittarisassat atuuttut naapertorlugit sanaartornissamut akuersissuteqarnissamik piumasaqaatitaqartoq.

Imm. 9. Piginnittuunerup nikinnerani, atuisussaatitaanermik tunniussineq aammalu illumik atortulersuutinilluunniit atuinermik allannguineq 600 koruunit

Imm. 10. Pingarnertut pilersuinermik atortulersummut, 50 m tikillugu pilersuinermut aqqummik aamma atortulersummut 600 koruunit

Imm. 11. Pingarnertut pilersuinermut atortulersummut 100 m-imut, 50 m sinnerlugu takissusilimmut pilersuinermut aqqummum aamma atortulersummut tapimut 15 koruunit.
Taamaattorli akisunerpaaamik 15.000 koruunit.

Imm. 12. Nunaminertamik atugassinneqarnermut atatillugu immikkut akuerineqarnissaq pillugu qinnuteqaammut 800 koruunit

Kapitali 4

Nunaminertamik atugassinneqarnernut akitsuut

§ 4. Nunaminertamik atugassinneqarnissaq pillugu qinnuteqarnermut ukiumoortumik akitsuut illunut, atortulersuutinut pigisanullu qajannaarsugaangitsunut tunngasunut sulianut tunngassuteqarpoq aammalu 500 koruuninut aalajangersarneqarluni.

Kapitali 5

Atuutilersitsinermut atorunnaarsitsinermullu aalajangersakkat

§ 5. 1. januar 2025 aallarnerfigalugu akigititaanut malittarisassaq atuutilersinneqassaaq. Ullormit tassanngaanniit qinnuteqaatit suliniutissatullu siunnersuutit tamarmik tiguneqartunut tamanut aalajangersakkat atuupput.

Kommunalbestyrelsi ulloq 28. november 2024

Malik Berthelsen

Hans Christian Sværd

Borgmesteri

Kommunimi pisortaaneq Borgmester

Kommunaldirektør